

ՍԱՍՆԱ ԾՌԵՐ

(Ժողովրդական վեպի գրառման 100-ամյակի առթիվ)

Ուղիղ հարյուր տարի առաջ, 1873 թ. հունիսին, Գարեգին Սրվանձտյանը Մշո Առնիստ գյուղի երեսփոխան Կրպոյից գրի է առնում «Սասնա ծռեր» ժողովրդական վեպի անդրանիկ պատումը և հաջորդ իսկ տարին՝ 1874 թ.,

հրատարակում Կ. Պոլսում՝ իր «Գրոց ու Բրոց և Սասունցի Դավիթ կամ Մհերի դուռ» խորագրով գրքի երկրորդ մասում:



Երևույթը պատմական էր և հիշարժան երկու տեսակետից. նախ՝ հայտնաբերվում և գիտական աշխարհին էր ներկայացվում հայ ժողովրդական վեպը, և ապա՝ վեպի գրանցումով և հրատարակմամբ, ինչպես ցույց տվեցին գալիք իրադարձությունները, հիմք էր դրվում հայ ժողովրդական բանահյուսության արգասիքների կարգավորված հավաքմանն ու հրատարակությանը: Գարեգին Սրվանձտյանն ինքը դառնում է հայ բանահյուսության, առավել լայն առումով՝ հայ ժողովրդագիտության ռահվիրան՝ ուղի հարթող առաջամարտիկը:

Գ. Սրվանձտյանի հետևության մեջ ու օրինակով տասներեք տարի անց՝ 1886 թ., Մանուկ Աբեղյանը էջմիածնում, Գեորգյան ճեմարանի դռնապան Մոկացի Նահապետից (Նախո Քեռի) գրանցում է վեպի մեկ այլ տարբերակ, որը 1889-ին հրատարակվում է Շուշիում առանձին գրքով՝ «Դավիթ և Մհեր» խորագրով: Աբեղյանի գրանցած պատումը պատմական կարևոր արժեք էր ստանում ևս երկու տեսակետից. նախ՝ պարզվում էր, որ բացի Մշո դաշտից, վեպն ընտանի էր և տարածված նաև Արևմտյան Հայաստանի այլ կողմերում. և ապա՝ Աբեղյանի գրանցած պատումը իր տիպաբանական նկարագրով էապես տարբերվում էր Սրվանձտյանի գրառածից: Այդ երկու պատումով փաստորեն հենց սկզբից, երջանիկ պատահականությամբ, հրապարակ էին հանվում վեպի երկու տիպաբանական հիմնական տարբերակները, որովհետև, ինչպես ցույց տվեցին գալիք վիպահավաքման փորձն ու արդյունքները, անկախ աշխարհագրական իր լայն տարածվածությունից, վեպի մինչև այժմ հայտնի շուրջ 130 պատումները համախմբվում են տիպաբանական հիշյալ երկու տարբերակների տակ, որոնք հայ վիպագիտության մեջ, ըստ սկզբնական պատումների գրառման վայրերի, ավանդականորեն կոչվում են Մշո և Մոկաց տարբերակներ:

Մինչև 1970 թ. հայ բանագիտությանը հայտնի էր «Սասնա ծռեր» վեպի շուրջ վեց տասնյակի չափ պատում, որից 48-ը զետեղվել էր Մ. Աբեղյանի և Կ. Մելիք-Օհանջանյանի կազմած և խմբագրած «Սասնա ծռեր» եռադիրք հրատարակության մեջ (1936, 1944 և 1951 թթ.), իսկ մնացածները կամ տպագրվել էին տարբեր տեղերում, կամ էլ մնում են տարբեր արխիվներում անտիպ: 1950—1960-ական թվականներին, գրեթե երկու տասնամյակ, չի գրանցվում վեպի և ոչ մի պատում: Միայն «Գարուն» ամսագրում, 1969 թ., բանագետ Գր. Գրիգորյանի տպագրած վեպի մոկաց մի պատումը, ինչպես նաև 1969—1970 թթ. Ախուրյանի և Արթիկի շրջաններում՝ արևմտահայ վերաբնակիչների մեջ հայտաբերված երկու նոր պատումները վկայեցին ժողովրդի մեջ վեպի տակավին կենդանի գոյատևման փաստը: Այդ և մանավանդ «Սասնա ծռերի» հայտաբերման և հրատարակման հարյուրամյա տարելիցի գալիք հեռանկարը առիթ հանդիսացան լրջորեն զբաղվելու վեպի նոր պատումների որոնման հարցով: Խնդիրն այն էր, որ հարկավոր էր պարզել, թե վեպի հայտաբերումից մեկ հարյուրամյակ անց, եթե վեպը շարունակում է գեռես պարել ժողովրդի հիշողության մեջ, ապա որտե՞ղ, ինչպե՞ս և ի՞նչ չափով, նրա ո՞ր հատվածներում ու խավերում, սեռա-տարիքային ի՞նչ խմբերում:

Հիշյալ նպատակով 1971 և 1972 թթ. ՀՍՍՀ ԳԱ հնագիտության և ազգագրության ինստիտուտը մեր ղեկավարությանը և մասնակցությանը կազմակերպեց «Սասնա ծռեր» վեպի նոր պատումների գրանցման հատուկ նպատակային արշավախումբ: Այն իր գործունեության շուրջ հինգ ամիսների ընթացքում, այցելելով Սովետական Հայաստանի տարբեր շրջանների մոտ 150 բնակավայր, գրանցեց վեպի տարբեր ծավալի ու որակի 65 նոր պատում¹:

Այդ պատումներից մեկը, որ այժմ հանձնվում է տպագրության, գրանցվել է 1971 թ. օգոստոսի 10-ին, Անիի շրջանի Լանջիկ (Մուսլուղլի) գյուղում, ՋՁ-ամյա Սեդրակ Քերոբի Աբաջյանից (Աբաջու Սեթո):

Սեդրակ Աբաջյանը ծնվել է Արևմտահայաստանում՝ Ալաշկերտի՝ Խաստուր գյուղում, 1889 թ.: Զբաղմունքով եղել է հողագործ և հացթուխ, այժմ մեղվապահ, 1914 թ. Սեդրակի ընտանիքը շատերի հետ Ալաշկերտից գաղթում է Արևելահայաստան, սկզբում հաստատվում են Աշտարակում, բայց շուտով վերադառնում են Ալաշկերտ: Այդտեղ երկար չեն մնում, կրկին ետ են դառնում և այս անգամ բնակություն հաստատում Շիրակի Քավթառի գյուղում: Սեդրակը երկու անգամ դարձյալ (1915-ին և 1917-ին) վերադառնում է «երկիր», բայց պատերազմի ու տեղահանումների պատճառով ետ է գալիս և Փամբակում գերի ընկնում թուրքերի ձեռքը: 1919-ին ազատվում է գերությունից և գալիս Շիրակի Մուսլուղլի գյուղում գտնում ծնողներին, ուր և հաստատվում են մշտական բնակության: Մուսլուղլիում Սեդրակը զբաղվում է հողագործությամբ, բայց 10-ական թվականներին թափառումների ժամանակ Կարսում սովորում է նաև հացթուխի արհեստը: 1931—1935 թթ. Սեդրակը, տնտեսական պայմաններից դրդված, գնում է Դոնբաս, Սարգա-

¹ Արշավախմբի գործունեության արդյունքների մանրամասն հաշվետվությունը պատրաստ է և շուտով կհանձնվի տպագրության: Արշավախմբի 1971 թ. գործունեության արդյունքները 1972 թ. մարտին լավել և քննարկվել են հնագիտության և ազգագրության ինստիտուտի գիտական խորհրդի ընդլայնված նիստում:

րապաղ, Թիֆլիս՝ ամենուրեք զբաղվելով հացթուխությամբ և հողագործությամբ: 1936—1955 թթ., որոշ ընդմիջումներով աշխատում է Մարալիկում իբրև հացթուխ, այնուհետև Մուսլուղլի գյուղում՝ դաշտավարական բրիգադավար: 1956 թ. թողակառու է:

Սեդրակը բազմաճյուղյա գերդաստանի հայր է: Զավակներից երկուսն ընտանիքներով բնակվում են Քանաքեռում: 1961 թ. Սեդրակն ապրում է Քանաքեռում՝ զավակների մոտ, իսկ ամառը գնում է Լանջիկ և զբաղվում մեղվապահությամբ:

Սեդրակ Աբաջյանը խոսքաշեն մարդ է, նշանավոր հեքիաթասաց. հաճախ է հրավիրվել դյուզի օդաները հեքիաթ պատմելու, համագյուղացիների միջավայրում վայելում է մեծ հարգանք: «Արաջու Սեթոն հին մարդ է» — այդպես են որակում նրան համագյուղացիները:

Սեդրակը վեպը լսել է պատանի ժամանակ, հայրենի խաստուրում, Փրո Աբրեհից (Աբրահամ Գևորգի Տոնոյան), որը շատ լավ է իմացել ու պատմել վեպը: Փրո Աբրեհն խաստուրում եղել է նշանավոր բանասաց, խոսքաշեն մարդ: Երբ խաստուրցիները իմացել են, թե Փրո Աբրեհն մի օգայում հեքիաթ է պատմում, լցվել են այնտեղ և մեծ հաճությամբ ու հետաքրքրությամբ ունկրնդրել նրան: Սեդրակը վկայում է, որ ինքը վեպը «շատ նուրբ» է սովորած եղել Փրո Աբրեհից: Եղել է երիտասարդ, շատ ուշիմ և լավ հիշել ու ճշգրիտ վերապատմել է վեպը: Սեդրակը վկայում է նաև, որ Շորազյալում վեպն իմացել են երկուսը. ինքը՝ Սեդրակը և Ղըռխցի Հակոն (դարձյալ խաստուրցի): Հակոն մահացել է Հայրենական պատերազմից առաջ:

Սեդրակը եղել է հարևանն ու գրեթե հասակակիցը արդեն հայտնի վիպասաց Կարապետ Թամոյանի²: Վկայում է, թե երբ 1932-ին կամեցել են Կարապետ Թամոյանից գրառել վեպը, վերջինս ձիով եկել է Մուսլուղլի և խնդրել Սեդրակին, իբրև լավ հիշողության տեր, պատմել վեպի մոռացած տեղերը, հատկապես Փոքր Մհերի ճյուղը: Սեդրակը պատմել է, Կարոն գրի է առել մոռացած հատվածները և տարել:

Սեդրակը Մուսլուղլիում վեպը հաճախ է պատմել, բայց արդեն քառասուն տարի է, ինչ ոչ ոքի չի պատմել: Երբ կամեցանք գրանցել, մեկ գիշեր ժամանակ խնդրեց վերհիշելու վեպը: Եվ ինչպես հետագայում պարզվեց, այդ գիշեր Սեդրակը իր շուրջն էր հավաքել թոռներին և քառասուն տարի անց նորից ոգևորվելով պատմել, վերհիշել մոռացված, հատկապես չափածո հատվածները:

Մեկ տարի անց՝ 1972 թ. սեպտեմբերի մեկին, Քանաքեռում Սեդրակ Աբաջյանից հանպատրաստից կատարեցինք վեպի երկրորդ՝ կրկնակի. գրանցումը: Համեմատությունից պարզվեց երկու գրանցումի գրեթե բառացի նույնությունը: Բացառությամբ մեկ միջադեպի, որ վիպասացը առաջին գրառման ժամանակ մոռացել էր պատմել և որի մասին նա անմիջապես հիշեց, նախքան երկրորդ ղրանցում կատարելը, մնացածները բառա-ոճական բնույթի աննշան շեղումներ էին՝ բանավոր խոսքի դեպքում անխուսափելի և վերջինիս առանձնահատուկ:

² «Սասնա ծռեր» պատումի ասացող, ծագումով խաստուրցի, վերաբնակված Թալինի Արալը գյուղում: Նրանից 1932 թ. Կ. Մելիք-Օհանջանյանը գրառել է հիշյալ պատումը (տե՛ս «Սասնա ծռեր», հ. Բ, Ա մաս, իրևան, 1944, Թ պատում, էջ 355—404):

Մեկ տարվա ընթացքում միևնույն ասացողից կատարած երկու գրանցումների նույնությունը վկայում է. նախ՝ վիպասացի հիշողության մեջ վեպի կայուն ավանդականությունը և ապա՝ պատումի նույնականության արժանահավատությունը վիպասացի բանավոր սկզբնաղբյուրին՝ Փրո Աբրեհի պատումին: Իսկ դա խոսում է պատումի հնության և ավանդականության, առնվազն նրա XIX դ. վերջերի վիճակի մասին, մի բան, որ բարձրացնում է վեպի տվյալ պատումի պատմական արժեքը:

Սեդրակ Աբաջյանի պատումի լեզուն Մշո բարբառի Ալաշկերտի խոսվածքն է՝ Կարնո բարբառի և արդի հայերենի որոշ տարրերով երիզված: Կարնո բարբառի ազդեցությունն արդյունք է Շիրակում վիպասացի շուրջ կեսդարյա բնակության և այդ բարբառով խոսող վայրերում նրա երկարատև աշխատանքային գործունեության:

Սեդրակ Աբաջյանի պատումը տիպաբանորեն պատկանում է Մշո տարբերակների խմբին. ամբողջական է, բաղկացած չորս ճյուղից: Մշո խումբն աշխարհագրորեն ընդգրկում է Մշո դաշտը, Սասունը, Ալաշկերտը, Մանաղկերտը, Բուլանլիսը, Խնուսը, Բայազետը, Նոր Բայազետը և Սովետական Հայաստանի այն շրջանները, ուր վերաբնակվել են հիշյալ տեղավայրերից գաղթած արևմտահայերը (Թալին, Շիրակ, Արարատյան դաշտ, Ապարան), Մշո խումբն ամենից առաջ հատկանշվում է վեպի չորս ճյուղերի առկայությամբ, շեշտված վիպականությամբ, քնարական-երգային հատվածների սակավությամբ, Քեռի Թորոսի մշակված ու ամբողջական կերպարով և մի շարք վիպական ուրույն միջադեպերով, որոնք կամ բացակայում են Մոկաց խմբում, կամ շատ աղոտ ու թուլացիկ են հիշատակվում:

Մշո տարբերակներում մի առանձին ենթախումբ են կազմում Ալաշկերտի պատումները, որոնց մեջ հատկապես աչքի են ընկնում հաստուրի տարբերակները: Դրանցից երկուսն արդեն հրատարակվել են «Սասնա ծռերում»³ և ունեն բանագիտական ու գեղարվեստական բացառիկ արժեք: Այդ հանգամանքը նկատի առնելով, մեր արշավախումբը հետամուտ եղավ հաստուրի նոր պատումների որոնմանը: Համառ որոնումները տվեցին բավարար արդյունքներ: Նախ՝ հայտնաբերվեց և զրանցվեց հաստուրի ևս երկու նոր պատում, որոնցից մեկը Սեդրակ Աբաջյանի տարբերակն է, մյուսը՝ Սեզրակի «կզբնաղբյուր-վիպասացի» Փրո Աբրեհի որդու, այժմ Հոկտեմբերյանի շրջանի բնակիչ, Սմբատ Աբրահամի Գևորգյանի պատումը: Հաստատվեց նաև, որ հաստուրն ունեցել է վիպասական ավանդական մի դպրոց, տարբեր սերունդների վարպետ ասացողներով: Կ. Մելիք-Օհանջանյանի զրանցած և հրատարակած երկու պատումների ասացողներ Մանուկ Թորոյանն ու Կարապետ Թամոյանը վեպը սովորել են հաստուրցի Ռես Գսպոյից (Գասպար Մելքոնյան) և Վարդանե Քոչից: Կարապետ Թամոյանի վկայությամբ՝ Ռես Գսպոն վեպը սովորել է իր՝ Կարապետի, հոր պապից՝ Դրմեից, որ եղել է հռչակավոր վիպասաց: Սմբատ Գևորգյանի վկայությամբ՝ հայրը՝ Փրո Աբրեհն, ևս վեպը սովորել է Ռես Գսպոյից, իսկ Սմբատն ու Սեդրակ Աբաջյանը սովորել են Փրո Աբրեհից: Այսպիսով, մինչև այժմ եղած տվյալներով, հաստուրում վկայված է վիպասացների չորս սերունդ. 1. Դրմե, 2. Ռես Գսպո, Վարդանե

³ «Սասնա ծռեր», հ. Բ, Ա մաս, էջ 247—404, Մանուկ Թորոյանի և Կարապետ Թամոյանի պատումները՝ զրանցված 1932 թ. Կ. Մելիք-Օհանջանյանի կողմից:

Քոչե, 3. Մանուկ Խորոյան, Կարապետ Թամոյան, Փրո Աբրե, 4. Սեդրակ Աբաջյան, Հակո, Սմբատ Գևորգյան, որոնք վեպը միմյանց են փոխանցել և հասցրել մեր օրերը: Այդպես, վիպական ավանդույթներով հարուստ հաստուրից, բանահավաքների ջանքերով հայ բանագիտությունն այսօր ունի մի պատկառելի ժառանգություն՝ վեպի շորս ընդարձակ քառաճյուղ պատում (բացառությամբ մեկի), որոնք իրենց անխուսափելի տարբերություններով հանդերձ, ունեն վիպական սերտ միասնություն և վկայում են նախնական մեկ կամ ամենաշատը՝ երկու բանավոր սկզբնաղբյուրից սերված լինելու մասին: Վիպասաց սերունդների այս անմիջական հաջորդափոխությունը և նրանց ավանդական վերաբերմունքը վեպի և վիպելու արվեստի նկատմամբ հաստատում է հաստուրի վիպասանական դպրոցի գոյությունը: Այս փաստն արժանի է ուշադրության հատկապես նրանով, որ հավաստում է Տարոնցի Կրպոյի վկայությունը՝ վիպասանական հատուկ դպրոցների գոյության մասին:

«Սասնա ծռերի» հայտաբերման 100-ամյակի առթիվ հաստուրի նորագյուտ պատումներից մեկի ներկա տպագրությամբ, ի մասնավորի նշանավորվում է նաև այն իրողությունը, որ սա ևս պատկանում է Մշո տարբերակների տիպաբանական այն խմբին, ինչ մեկ հարյուրամյակ առաջ Գ. Սըրվանձոյանի գրառած Տարոնցի Կրպոյի պատումը:

ՍԱՐԳԻՍ ՀԱՐՈՒԹՅՈՒՆՅԱՆ

Բաճախիքական գիտությունների ձեկտոր

ԱՐՈՒՍՅԱԿ ՍԱՀԱԿՅԱՆ

Բաճախիքական գիտությունների թեկնածու

ՍԱՆԱՍԱՐ ԵՎ ԱԴՆԱՄԵԼԻԲ

- Ժամանագոց հայոց հաշիկ թակավոր կապրեր Ձորու հարաքիլիսեն.
Բայց Մսրա Մելիքին հարգադու էր:
Մե տղեմ՝ ունեհր՝ անուն Թորոս էր,
Ախճա անուն Արմաղան էր:
Արմաղանը շատ խորոտ կէղնի:
Մսրա Մելիքի մարդիկ էգան ուրանց տուրք առնելու.
էգան ուրանց խարջ տանելու, էգան,
էգան ըղեղ ախճա ան տեսան:
Յիւան գնացին Մսրա Մելիքին պատմեցին, թե՝
10 Հայոց հաշիկ թակավորին մե Արմաղան անվոր ախճիգ մի կա՝
Շատ սիրուն, շատ գեղեցիկ:
Գելնի էդ մարդ յուզընգան* կը խրգե, թե.
— Գնացեք, էդ ախճիգ յուղեք, բերեք ընծի.
Եթե չտվեցին...— խոսք չէ, դորով բղի քաշին տանին:
էգան, ըղոց յուզընգներ էգան հասան հարաքիլիսա:
Գնացին հաշիկ թակավորի տուն:
Վերջ, նստան, խոսացին էստից-էնտից. հարցուց՝ ըբը.
— Մենք էգեր ինք, օր՝ քու ախճիգ յուզինք մեր թակավորին:
Ըսավ.— Մենք քրիստոնա, դուք կռապաշտ,
20 Մեր ախճիգ ձեր թակավորին մենք շենք տա:
— Է՛, չիդաք,— ըսավ,— զոռով կը տանինք:
Յիւան գնացին, Մսրա Մելիքին յայտնեցին, թե.
— Էդ մարդ չտվավ, թե՝ դու կռապաշտ իք, մենք քրիստոնա,
Մեր օրենք թով չիդա՝ մենք ախճիգ տանք քրզի:
Յելավ մարդ խրգեց.— Գնացե՛ք,— ըսեց,— եթե կը տա,
Կամով թող տա, եթե չտվեց՝ զոռով գրկամ,
Հայաստան քարուքանդ կէնիմ, կը տանիմ:
Նորից դառան էգան, ըսին.
— Բղի տա՛ս, հաթրով էլ չիդաս՝ զոռով կը տանինք:
30 Տեսավ, օր զոռի բան է մեջ,
Յինք էլ չէր կըռնա Մսրա թակավորի դեմ կովեր,
Կանչեց ուր սինոտ. էգան ժողով ըրեցին:
— Խ՞նչ էնինք, Արե՛ք,— ըսավ,— էդ մարդիկ էգաձ է գուզան.
Կովի՛նք՝ շենք կըռնա, մըզի կըսպանին,
Չկովինք էլ՝ զոռով կը տանին:
Որոշեցին, թե.
— Ախպե՛ր, մե ախճիգըմ կորի՛ լավ է,

* Տպարանում համապատասխան տառանիշը (Ճ) չունենալու պատճառով ամենուր նշվածի փոխարեն օգտագործել ենք «չ», որն արտահայտում է հագագային «հ» բաղաձայնի բարբառային ձայնեղ արտասանությունը:

1 Այստեղ և նման դեպքերում նշանակում է՝ որ:

Քան թե մի երգիր մի բարբառնդ էղնի՛,
Բւրին որոշեցին, օր ախահգ տան Մսրա Մելիքին:

- 40 Յեւան յուզընգնե՛ր գացին,
Թաղավորին խաբար տվեցին, թե՛ էդ մարդիկ յոժար ին:
էգան յուղեցին, ինչ որ աշխըրթի կարգն էր,
Արմաղանին տարան Մսրա Մելիքին կնության:

Մնաց մի ժամանագ: Դե՛, հեքիաթ է, էլի՛,
էրդու տղա էղավ:
Յառաչին տղի անուն դրեց Սանասար,
Յերգորդին դրեց Աղնամելիք:
Տղեգնե՛ր մեծըցան, էղան տաս-տասերգու տարեգան:

- Սենեքերիմ՝ Ասորեստանցու թաղավոր,
50 Կռիվ հայդարարեց Մսրա թաղավորի հեդ:
Յեւան գացին կռիվ: Կռվելու ժամանագ
Ասորաց թաղավորը յաղտեց Մսրա թաղավորին:
էդի հեծավ ուր դեմեն², փախավ:
Օր փախավ, յեղեմեն յընգնելու ժամանագ տեսավ,
Օր բդի իրան բռնին,
Ուր կռքերուն մաղաղ կանչեց էրգու տղին.
Հսավ.— Եթե դուք ընձի աղադիք էս փորձանքից,
Ես իմ էրգու տղեն ձեզի մատաղ կ'էնիմ:
Սաղանեն մղավ դեմի մեջ, փախցուց Մսրա Մելիքին բերեց:

- 60 Բերեց. ժամանադ մը յընցավ:
էն մեզ օր Արմաղանին ըսավ.
— Արմաղա՛ն,— ըսավ,— կնի՛գ,— ըսավ,—
Ես իմ տղեք մաղաղ իմ կանչի,— ըսավ,— մերունի կռքերուն:
Տղեք էղած է տաս-աասերգու տարեկան:
Արմաղանը էրեխեստանուն գաղտնի քրիստոնություն էր սովորեցրի:
Յիրգուն տղեք էգան, ըսավ.
— Սանասա՛ր,— ըսավ,— ձեր հեր ձեզի մաղաղ ի կանչի կռքերուն.
Հսավ,— Խո՛նչ էնինք:
Հսավ,— Խո՛նչ բդի էնինք:
70 Հսավ, — Փախնինք բդի: Ձեր հերն օր ձեզի կըսե.
«Արե՛ք երգրապակութուն էրեք կռքերին»,
Դու ըսեք օր. «Մենք չընք դինա,
Մեր մեր մըզի չը սովորեցնե՛ր ը,
Դու երգրապակութուն էրը՛, մենք կը սովորինք»:
էն ժամանագ կը զարգիք, կը սպանիք,
Ես ձիան կառնիմ ալսինչ տեղ կը կայնիմ,
Դուք գիկաք, գ'եծնինք, փախնինք կերտանք խաչիկ թաղավորի մող:

- Մերը էդ խրադ տվեց տղեզներուն:
 Ու անցավ մե քանի օր: Հերը կանչեց:
 80 Կանչեց.— Տղե՛ք,— ըսավ,— ես ձեզի
 Կռվու ժամանագ մադաղ իմ խոստացի կռքերուն,—
 Ըսավ,— Բդի տանիմ մադղիմ:
 Էգան տղեք մոր քով, ըսավ.
 — Արդեն մըզի կանչեր է,
 Բդի յէգուց մըզի տանա մադղելու.
 Ի՞նչ էնինք:
 Ըսավ.— Ես մեգ-մեգ թոփուզ³ գը շինիմ, ձըղի կիդամ,
 Գը պալիք ձերունի շորերու տագ ու կէրտաք:
 Կէրտաք էնդեղ. եփ օր ձըզի ըսավ.
 90 «Արե՛ք, երգրպակութուն տվե՛ք»,
 Դու ըսեք օր. «Մենք չընք գինա,
 Դու երգրպակութուն տո՛ւ, մենք էլ սովորինք»:
 Որ ժամանագ օր երկրպակութուն կիդա,
 Գը զարգիք, կը սպանիք:
 Ես իրեք հադ ձի կառնիմ,
 Կէրտամ պայմանավորած տեխ կը կայնիմ,
 Գիկաք, կը հեծնինք,
 Զեր պար էլ թակավոր է,
 Կը փախնինք կէրտանք իմ հոր տուն:
- 100 Կանչեց Մսրա թակավոր տղեզներուն տարավ:
 Երգրպակութուն օր էրեց՝ տղեզներ թոփուզով զարդեցին,
 Կռատան մեջ պաղուցին, սրանեցին,
 Փախան էգան, էգան հասան մոր:
 Հեծան ձիան. ո՛չ ճար գինան, ո՛չ ճամրախ գինան:
 Աստվածութունից հրիշտակ լուսնից, կրագից
 Առաջնորդում էր տղոց,
 Զօր էլ լույս էր առաջնորդ ըդոց:
 Էդպես փախնելով՝ խաբարն յընգավ թակավորին, թե՛
 Տղեզներ թակավորին սբանած, փախած է:
 110 Յելավ զորք յընգավ յեղեվ ուրանց:
 Էգան մինչ ի հարաքիլիսու ձորեր.
 Ուրանք մղարի⁴ մեջ տապուգ են:
 Տեսան՝ ուրանց պաշարած ը.
 Աստվածութունից հրաշք էղավ, խառվան յիրար գիշեր,
 Սկսեցին յիրար ջարդել.
 Ուրանք մղարի մեջ տապուգ,
 Մսրա զորք յիրար ջարդեցին,
 Սպանին յիրար, ջարդեցին,
 Դարձան, փախան գնացին:

3 Գուրգ:

4 Այր, քարայր:

120 Ըդոք յեկան էգան, գնացին հարաքիլիսա, իրանց հոր քով:

Դնացին հոր քով, հերը ուրախացավ՝

Թոռներն է էգի, տաս-տասնութ տարեգան տղեգներ,
Ախճիգն ի էգի:

Տարան ուրանց, խոսացին, իմացավ,

Օր դարգած է, սպանած է հոր, փախած է:

Ըսավ.— Իմ տնեն յելեք, գնացե՛ք, դու ընձի հարգավոր չի՛ք,

Ընձի ախճիգ էլ հարգավոր չէ՛, թոռ էլ հարգավոր չէ՛:

Յեգուց Մսրա թակավոր լսեց՝

Գիկա, հայություն էլ գը կդրե:

130 Քեռի Թորոս մղածեց.

— Հա՛ցն ու գինին, Տե՛ր կենդանին,— ըսավ,—

է՛, պա՛ր,— ըսավ,— դու քու ախճագ ու թոռներուց գընցնիս,

Ես,— ըսավ,— իմ քուրճից, իմ խարզեստաններուց՝ չըմ յընցնի:

Քաշեց ուր Վեցօղենն Լադզին, հեծավ ուր ձին,

Ընգավ ըդոց յառեջն ու դբրի...

Չգիդա յինքն էլ՝ ուր կէրտա:

էգավ: էգավ, էգավ յեկավ Մշու դաշտ:

էգավ Մշու դաշտ, հասավ Մեղրագեղին:

Յիջան Մեղրագեղի քով,

140 Ուրանց համար հաց կերան, ջուր խմեցին, լվացվան.

Քեռին տեսավ, օր էն դիուց, սարից

Մե բարակ ջուր մի գիկեր.

Գիկեր, դը զարդեր Մեղրագեղի հակառակ կողմից, լենքից,

Գիկեր, գը զարդեր էստեխ խային՝.

հայեն օր դեմ չառներ,

Դը զարգեր գեղին, կէրտեր:

— Արմաղա՛ն:

Ըսավ,— Ի՞նչ է, Թորո՛ս:

Ըսավ,— Մենք յելինք,— ըսավ,—

150 Իդա ջրի յակունք մըզի համար տուն շինինք:

էս ջուր խմող մարդը՝

Մեգ հազարին բադալ՝ է.— ըսավ:

Յելան յընցան Մուրադ գետ,

Գացին էդ ջրի վերեւ, ըդոր յախպուրը գդան,

Բերեցին ուրանց հոլլըկ՝ մը շինեցին

Ու ըդոր մեջ աբրան:

Աբրան մե ժամանագ: Գործ ուրանց ի՞նչ է՝

Քեռին ու եգյաններ կիւտեն, փորեն,

Կորեգ ցանեն, զըլգըլ՝⁹ գը ցանեն,

Ըդրով կաբրեն:

6 Խարգա, խարգե (հգն. խարգեստան)— քրոջ կամ եղբոր որդի: 6 Ըայո, ապառաժ: 7 Փո-
խարեն: 8 Հողիկ, քողտիկ:

9 Հացահատիկի տեսակ:

160 Արդեն Սանասար հասավ,
 Սանասար հասավ, յիրգուն նստան.
 — Արմաղա՛ն,— ըսավ,— մեր տղեն հասեր է,
 Մենք բդի կարգինք:
 Մենք քյասիբ, բան չունինք, աղքատ, ի՞նչ էնինք:
 — Ես ի՞նչ գինամ, դո՛ւ դինաս:
 Բերին որոշեցին. էդդեն հայ՝ Բիթլիս, Բաղեշ կաբրեն,
 Հայոց նորից թակավոր էր՝ Գազիկ թակավոր,
 էն ժամանագ հայերուն թակավոր շադ կար,
 Յելավ գնաց էդտեխ, տղան տարավ հեդ:

170 Տղին օր տեսան՝
 Աղքատություն էլ մոռացան, ամեն բան էլ մոռցան.
 Տղին օր տեսան՝ ամենաուրախության, խնդալով բերեցին,
 Ուրանց ախձիգ տվեցին Սանասարին:
 Առան էգան: Ուրանց տան մեջ կաբրին,
 էդ կորեգով ու գըլգըլով, ուրիշ բան չունին,
 Մե էրգու հադ էլ էձ ին պայե:
 Ժամանագ ընցավ: Մե տղե մ էղավ Սանասարին.
 Տղե՛ մ էղավ, բերեցին անուն դրեցին Մհեր:

ՄԵԾ ՄՇԵՐ

Հեքիաթ ը, տղեն մեծցավ,
 180 էղավ տաս-տասնհինգ տարեգան:
 Կէրտեր նեճրություն¹⁰ կէներ:
 էն մեզ օր էգավ մարդ, դադրեր էր.
 — Օ՛ֆ,— ըսավ,— դադրեր իմ,— մամուն:
 Քեռին ըսավ,— ի՞նչ էնիմ,— ըսավ,—
 Ամո՛թ էղնի քու պարուն,— ըսավ,—
 Օր ինք թակավոր մը, չըկնա քզի ձի մի տա,
 Օր դու էրտաս, նեճրություն էնիս:
 — Իմա՛ւ,— ըսավ,— իմ պաթ թակավոր է:
 — Հբը՛,— ըսավ,— քու պար Բաղեշ թակավոր է:
 190 Յելավ յառավորդ, էրգու հագ կորեդի հաց դրեց ուր հըրան¹¹
 Ու դիբեց դեբի Բաղեշ:
 Գնաց, Գնաց, Բիթլիսին օր մոռեցավ,
 Տեսան օր՝ էդ մարդն օր էգավ,
 Սովորագան ուրանց մարդոստնուց չէր,
 Իրեք, չորս մարդու բոյ է:
 — Հա՛յ, հա՛յ, հա՛յ,— ըսավ,— Սասման ծո՛ւռ,
 Իմկնի¹² Սասման ծուռ յուրդի՞ց էգավ:
 Խառվան յիրար հողըլներ.
 — Հե՛յ, իմկընի լադոդներ,— ըսավ,—
 200 Ես Գազիկ թակավորի,— ըսավ,— թո՛ւն իմ,— ըսավ:
 էն մեզ ժուլիգ էր¹³, վերցուց ուր քուղդ ու քյաշալ,

¹⁰ Որսորդություն:

¹¹ Մաղախ, ¹² Անպետք, անպիտան, ¹³ Ճարպիկ:

Վազալ գնաց Գազիկ թակավորին մուտղա¹⁴ տվեց, թե.

— Յաճկդ լուս էզնի,— ըսավ,— քու թոռն էգեր է:

էգան վերցին տղին տարան:

Տարան, մի էրգօր մի մնաց, վրա իրեքի.

— Պա՛ր,— ըսավ,— ըսկի չե՞ս հարցու, թե յորի՞ իս էգի:

— Ա՛յ տղա,— ըսավ,— դու իմ թոռ, էգեր իս իմ տուն, ի՞նչ հարց:

— Զէ՛,— ըսավ,— խո ես չէդեր իմ,— ըսավ,—

Հացափոր քու տունը մնամ:

210 Վերջ օր շադ ստիպեց, ըսավ,— Ի՞նչ է:

Ըսավ,— էգեր իմ, օր դու ընծի ձի մի տաս,

Օր ես էրտամ ձիով նեճրություն էնիմ,

Ես չըմ կոնա քելելով նեճրություն էնի:

— Է՛,— ըսավ,— լա՛վ, Մհե՛ր ջան,

Յառավորդ կէրտաս,— ըսավ,— թամբի կէնիմ¹⁵ մշկուն,

Թող ձիանուն բոլոր ցուց աա,

Որ ձին օր հավնար՝ էն էլ տանիս:

Գնաց տեսավ, օր ըգոց թավլին¹⁶ մե՛ծ թավլի մի,

Ամեք դեն քառսուն ձի է կարուգ:

220 Գնաց, որի վրեն ձեռ դրեց՝

Փոր յիջավ գետին:

Տեսավ, օր իրան ձի պըղըցող չկա, •

էգավ, դոնեն բդի յելներ, տեսավ՝

Թառի տադ մե ծռողք քուռագ մի կա:

Ըսավ,— Կանի՛, գոմի՛ մ ել զարգիմ, իդա քուռագ սադգի,

էս էլ էղնի անո՛ւն:

Ուժ հավաքեց, քաշեց, գոմի՛ մ օր զարդեց,

Քուռագ դարձավ, ջուխտ չուֆտեն¹⁷ զարդեց սրդին,

Թռավ թավլի վերի գլուխ կայնավ,

230 Կայնավ, դառավ աշեց, խրխնջաց:

Աշե՛ց, աշե՛ց, ըսավ.

— Իմ պար ընծի տա՛ էս քուռագն է,

Զիդա՛ էս քուռագն է:

Տվեց՝ կը տանիմ, չտվեց էլ՝ գելնիմ կէրտամ:

Յելավ գնաց դիվան:

Կանչեցին մշկուն, կանչին Մհերին:

— Ի՞նչ էղավ, մշա՛դ:

Ըսավ.— Ես չըգինա՛մ,— ըսավ,—

Որի վրեն ձեռ դրեց՝ փորձեց,— ըսավ,—

240 Մեգ էլ էգավ, զարդեց գոմի՛ մե,

էն քուռագ բդի սադգըցուցեր,

էն էլ թողեց էգավ:

Ես չըմ գինա,— ըսավ,— բան մը չըմ հասկընա:

Կանչին Մհերին, ըսավ.

— Պաբ ջա՛ն,— ըսավ,— քու ձիան բոլոր լավ ձի ին,

¹⁴ Ուրախ լուր, աչքալուխ:

¹⁵ Պատվիրել: ¹⁶ Ախոռ, գոմ: ¹⁷ Աքացի:

- Բայց ես օր տարա,
 Յէգուց ըն ըսի՞՝ էդ իմալ նամարդ մարդ էր,
 էգալ, ուր պարու ձիանու մեզ փագից՝³ մե ձի 'մ առաւ գնաց,
 Ընձի կիդաս՝ էն քուռագ տու,
 250 Զիդաս էլ,— ըսավ,— քու ձիանն ընձի հարգավոր չէ՝
 էդ մարդուն շա՛տ խոսացին,
 էդ շաղից քի՛չ լսեց,
 Քշից էլ ըսկի բա՛ն չհասկըցավ,
 Թե՛ մինազ էդ քուռագն է՝
 Ուրանք ընն դինա, օր քուռագ էդ շնորք ունի՝
 Տեսան, օր հնար չկա, մյուս օր վերցին քուռագ,
 Յուլար¹⁹ դրեցին գլուխ, մե մշկու 'մ էլ տվեցին հեղ,
 Քաշեցին տարան, քաղքից հանեցին՝
 Հեռեցավ, մշագ դառավ:
- 260 Մգա կը քաշե յուլար՝ քուռագ չի գա,
 է՛, յառեջ էրտա՝ կը փախնի՝
 Շատ օր շարչըրվավ, իլլաջ²⁰ կդրավ,
 Բերեց քուռագ պառգըցուց,
 Յուլըրով յօգնեք կարեց,
 Վերուց փեղն էցգեց յօղնեքու մեջն
 Ու դրեց փիշին²¹ ու դերի Քեռի Թորոսին գնաց:
 Օր գնաց մողեցավ Սասնա,
 էն ժամանագ էլ դուրբին²² կար խո՛,
 Քեռի Թորոս դուրբին դրեց յաճկերուն,
 270 Տեսավ օր՝ փիշի վրեն փեղով բանըմ կա:
 — Արմաղա՛ն,— ըսավ,—
 էդ քուպագողին²³ խապեր է տղին,— ըսավ,—
 Զո՛ւ ու փալաս է տվի բերե էդ անամոթ,— ըսավ,—
 Քաշե՛ ձիսի, էրտամ,— ըսավ,—
 Թախթ-թաջ²⁴ վերանա²⁵ կը դառում գլխուն:
 էգավ տեսավ օր՝ ինչ տեսնի՛ քուռագ մի:
 — Ա՛յ տղա,— ըսավ,— էս ի՞նչ իս էրի:
 — Քեռի՛ ջան,— ըսավ,— ի՞նչ էնիմ,— ըսավ,—
 Քաշիմ՝ չիգա,— ըսավ,— թողիմ՝ կը փախնի:
 280 Իլլաշսի կդրավ, էս էլ կաբեցի,
 Դրի փիշիս, առա էդա:
 Քեռին հարձըգեց քուռագ, էստին-էնտին աշեց՝
 Խաճեց մոռոթ. յինք ջանքազ²⁶ էր:
 — Քաշե՛, լաո՛,— ըսավ,— էսի հրեղեն ձի է,
 էդ յո՛ւրդից է ընգի էդտեխ, էդ էլ չգիտեմ,— ըսավ,—
 Քաշե՛ էս քուռագ, տանինք:
 Քուռագ քաշեցին տարան, պահեցին, մեծցին, էրեցին ձի,

18 Գոմ, ախուռ: 19 Սանձ: 20 Ճար:

21 Ուս, 22 Հեռադիտակ: 23 Շան որդի: 24 Գահ ու քագ: 25 Ավեր: 26 Զիագեա:

Անուն դրին Քուռգի Ջալադ
Ու սկսեցին աբրել ուրընց համար:

- 290 Սկսեց ուր նեճրություն էնել:
Քեռին տեսավ, օր արդեն Մհեր ձենձընվալ աշխարքի մեջ,
Բերեց ըդրան զըրի²⁷ մ ու թաս²⁸ մ ու թուր մի շինեց:
Աբրան իրենց համար:
Շագըցան, էղան յոթ, ութ, տաս հոգի,
Վերջապիս, ուրանց համար կաբեն՝
Կորեգով, դըլգըրով, իրեք հադ իձով:
Մհերն արդեն հասավ: Քեռին ըսավ.
— Արմաղա՛ն, բի՛ր մեր տղեն կարկինք:
— Է՛, կարկե՛, — ըսավ:

- 300 Մհերին կարկեցին էսպես:
Մհերին էղավ էրգու հադ տղա՝
Մեձի անուն գրեցին Մանուկ,
Փոքրի անուն դրեցին Դավիթ:

Մսրա Մելիք լսեց, օր ուր հողի մեջ,
Ըսին, գլավուր²⁹ է էգի, տուն վ շինի, կարրի:
Յելավ քոմեց³⁰ ուրունի սինոտով, ըսավ.
— էրտանք պղըդինք մեր աշխարք,
Տեսնինք, մեր աշխարք ի՞նչ դրուտյան է,
Ու էդ դլավուրին էլ, — ըսավ, —

- 310 էրտանք, մեր տասչորս տարվա խարջն առնինք, յիգանք:
Յելան էգան: էգան պղըդելով,
Օր էղան հասան Սասմա սայման,
Քեռի Թորոս լսեց, յելավ քոմեց ուր քանի հոգին,
Ձիով գնացին ըդոց յառեջ:
Ջրինդ³¹ խաղալով էգավ Մհեր:
Որի փիջին ձեռք դներ՝
Կը ք... եր թումբան ուրանց:
Մսրա Մելիքի հեդ էլ ձեռ բարն էնելուն,
Մինչի էդավ յելավ,

- 320 Ձեռ ըդոր փիջին էլ՝ որպես ախպոր,
Մուռդըրեր էր:
Տարան մաքրեցին, էգան նստան խոսացին.
Սարսափն առեր է, ըսավ.
— Քեռի՛, — ըսավ, — դու թողի՞ս,
Խնտրիմ, օր դու թուլ տաս, ես ու...
Ըսավ. — Դու մի՛ խնտրի, — ըսավ, — դու կարկադրե՛:
Ըսավ. — Չէ՛, կը խնտրիմ:
Ըսավ. — Ի՞նչ է:
— Թողի՞ս, ես տւ Մհեր էղնինք ախպեր:

- 330 Ըսավ. — Խնտրի՛մ, էղեք, ի՞նչ կա, ես ուրախ չի՛մ.

27 Զրահ: 28 Սաղավարտ:

29 Անհավատ: 30 Հավաքել: 31 Մական, մականախաղ:

- Ես խնդանամ, օր,— ըսավ,— իմ տղեն
 էղնի լիակավորի հետ ախպեր:
 Բերեցին էղան ախպեր:
 Տասնուչորս տարվա խարջն էլ բաշխեցին:
 Պայման կնքեցին՝
 Ո՛րն օր շուտ մեռնի, էն մեզել էրտա,
 Հնդոր տան, էրեխեստանուն տիրություն էնե:
 Կերան, խմեցին, յառավոդ օր յելան գացին,
 Հսավ.— Մհե՛ր, ես քու կին ու էրեխեք ճանչըցա,
 340 Դու էլ արի՛ էրթանք,— ըսավ,— իմ տուն,
 Իմ էրեխեք, իմ ընտանիք ճանչըցի՛,
 Օր ես օր մեռա՝ դու յիգաս տեր էղնիս:

- Յելան հեծան ձիան, գնացին,
 Մհերն էլ հեգ ուրանց:
 Գացին ըդեխ, մի քանի օր մնացին:
 Գնաց Մսրա Մելիք ուր տան դեն՝ կնդան.
 — Կնի՛գ,— ըսավ,— կը կանչիս Մհերին քու քով,
 Գիշեր կը պայիս քու քով, չես թողնի յիգա:
 Մշկուն էլ թամբի էրեց,
 350 Օր Մհերի ձին թողա ուր խսրըխու³² վրեն:
 էգան, յիրգուն կանչեցին, տարան:
 Դե՛, ախպրդ կին էր, խոսացին,
 Օր յելավ, բդի յիգեր.
 — Չէ՛,— ըսավ,— ախպե՛ր,
 Մեր օրենք էնքես է, օր գիշեր...
 — Ա՛խր մենք ախպեր ինք...
 — Չէ՛,— ըսավ,— մեր օրենք էդպես է.
 Գիշեր դու բդի մնաս իմ քով:
 Գիշեր Մհեր մնաց քո՛վ:
 360 Մհեր յառավոդ յելավ ու մնաս բարով էղավ,
 էգավ Սասուն:
 Մենք խաբար տանք Մսրա Մելիքից:
 Կինը տարի մի եդ պառգավ, բերեց տղե մի,
 Եվ ձին էլ ծնավ, քուռադըմ բերեց:

Դ Ա Վ Ի Թ

- Մհեր էգավ Սասուն:
 էգավ Սասուն, յընցավ մե քանի՛ մ վախտ,
 Հիվանդացավ Մհեր, մեռավ:
 Խարար գնաց Մսրա Մելիքին, թե՛
 Արդեն քու ախպեր մեռեր է:
 370 Յելավ էգավ, Քեռուն ըսավ.
 — Մեր պայման պայման է: Ես էգեր իմ,

³² Մատակ ձի, զամբիկ:

Օր իմ ախպոր էրեխեքն ու կնիդ տանիմ պայիմ:
 Տեսան, օր չէղնի, ըսավ,
 — Մսրա Մելի՛ք, — ըսավ, — կը խընտրի՛մ, — ըսավ, —
 Եթե կին ու էրեխեք տանիս՝ մենք կը մեռնինք,
 Գոնե կնիդ մնա մեր մոդ, մենք կնդով մխիթարվինք,
 Տղեր էլ դու տար պայի:
 Յեւով յօժարացավ, առավ տղեք, առավ գնաց:

Գնաց պայից, Յընցավ մի քանի՝ մ ամիս:

380 էրեխեքն օր կը խաղցուցեր,
 Մանուկին օր կը դներ շոքի վրեն՝ բան չըր էնե.
 Դավիթին օր կը դներ շոքի վրեն՝
 Ձեռ կը թալեր մուրուք,
 Օր ձեռք չը բռնէր,
 Քաշեր մուրուք տեխեն կը հաներ:

Յընցավ մե վախտ մի:

Կանչեց ուրունի խորհրդատուներին, ըսավ.
 — Արե՛ք, ա՛յ մարտ, — ըսավ, — էս գլավուրի տղեն, — ըսավ, —
 Օր մի չէ՝ օր մի իմ մուրուք քաշե,
 390 Օր մի դ էլնի, — ըսավ, — էդի փորձանք կէղնի իմ գլխուն:
 Ես ըդոր գլուխ բդի մզավուց³³ կորում:
 — Ա՛յ մարդ, էրեխա՛ է:
 — Չէ օր չէ՛, — ըսավ, — էդոր միտք խալբ³⁴ է.
 էդի խալբ է, էդի իմ գլուխ բան մի բդի հանե:
 Տեսան, օր չէղնի, էն մեզ.
 — Ա՛յ մարդ, — ըսավ, — էրեխա՛ ին, բերեք փորձ կատարինք:
 — Ի՞նչ:
 Բերեցին տարան դիվնի ներքե,
 Մեսինի մի փալուտ փետի քոզ³⁵ դրեցին
 400 Ու մեզ էլ՝ օսկի դրեցին:
 Ըսավ. — Թո՛ր, թըխ էրտան, — ըսավ, —
 Եթե գացին դեպի կրա՛գ, զըթեն էրեխա ին,
 Թե դեպի օսկին գացին՝
 Գիցի, օր միտք ուրանց խալբ է:
 Մանուկին թողեցին:
 Մանուկ դիմեց դեպի կրագ գնաց,
 Ձեռ զարդեց կրագին,
 Օր կրագ կբավ ձեռին՝ վառավ,
 Վերուց զարգեց բերան՝ մոռթ լե վառավ:
 410 Ճոռ Մանուկ ըսեցին:
 Թողեցին Դավիթին:
 Դավիթ գնաց՝ դեպի օսկին դիմեր է ու կէրտա:

33 Մա—ալժմ, հիմա, մզավուց— ալժմյանից: 34 Խարզախ:

35 Կրակ:

Հրիշտագ աստուծո՛ւ դառուց ըսավ.

— Ա՛յ մարդ, յո՞ւր կէրտաս, դառի՛:

Դառավ դերի կրագ գնաց:

Մարդիկ, բարի մարդիկ շատ կան.

— Ա՛յ մարդ,— ըսավ,— գնաց, էդ էլ ալիբուլ³⁶ կէղնի,

Մե տղեն ալիբուլ էրեցիր,

Մեգել լե ալիբուլ կենիս:

420 Վերցին, վերցին բերեցին:

Քեռի Թորոս ուրմ³⁷ աշեց, թալեց ուրմ,

Թուր քաշեց՝ թրի բերան ժանգոռոց էր:

— Արմաղա՛ն,— ըսավ,— իմ Վեցօղնեն լազգին քաշե՛ք.

Ես էրտամ,— ըսավ,— էրեխեք նեղության մեջն ին:

Յա՛ հասնիմ, յա՛ չ՛սանիմ:

Քաշեցին ձին, հեծավ էգավ:

էգավ Մսըր յիջավ:

Դավիթն էգավ, ըսավ.

— Մեգել տղեն յու՞ր է:

430 Ըսին.— Մեգել հիվանդ է:

Գնաց տեսավ, օր բերան վառեր է:

Դե՛, ամեն տեղ էլ բարի մարդ կա, ամեն ազգու մեջ էլ կա,

Հաղորդեցին, օր գործըն էստեսակ կէղնի:

էգավ խնդրեց Մսրա Մելիօին,

Առավ տղեգներ էգավ:

Արդեն Մսրա Մելիք էլ զվզացեր է, ճիշտ ըսած:

Բերեց տղեգներ: Տղեգներ մեծըցան.

Ուրանք շաղըցած է:

Գարուն է:

440 Տեսավ, օր բուլուգ³⁸ մի, յինք բդի էրտա փոլե,

Կորեգ ցանե, օր բերե ըդոց պայե:

էգավ.— Աստվա՛ծ վերու ձրղի,— ըսավ,—

էղեր իք քառսուն ջան,

Ե՞ս բդի ձրղի համար աշխատիմ:

Դավիթն էլ տաս-տասնյոթ տարեգան տղա է:

էգավ տեսավ, օր Դավիթ խսիլ մի թալեր է տագ,

Ջըմբիլ³⁹ մ՛ էլ դրեր է գլխու տագ

Ու քնուգ է:

— Է՛յ,— ըսավ,— ջոջ յօռ Դավի՛թ,— ըսավ,—

450 Դու էրտաս էղնիս նախըլի՛,

Քու հախ առնիս կորե՛գ,

Տանիս ջաղաչ աղա՛ս, բերի՛ս,

Արմաղան մա՛զե, շաղե՛, թխե՛,

էս ձեռքով դնիմ էս բերան՝

³⁶ Արատավոր: ³⁷ Հմայել, գուշակել:

³⁸ Զոկ, խումբ, շատ: ³⁹ Մղոտից հյուսած փոքր աթոռ:

Չեմ հավատա՛ւ:

Դավիթ.— Քեռի՛,— ըսավ,— ի՞նչ էնինք:

— Ի՞նչ բդի էնիս, աստվա՛ծ վերու ձրդի,

Գացե՛ր Մշու դաշտ,— ըսավ,— նախրջու վախտ է,

Գացե՛ր էդեք նախրջի, հորթարած,— ըսավ,—

460 Հախ ձրդի առեք բերեք, էստեղ աբրինք:

— Վռլլա՛ւ,— ըսավ,— բեռի՛, ես կէրտամ:

Մարե՛, իմ յօդ ու գլուխ սարբը՛, կարդղոնը՛,

Ես կէրտամ կէղնիմ նախրջի:

Բերեցին կդոր մի կարգընեցին,

Փեղ մի դրեց փիջին, գնաց:

Գնաց, գնաց Մշու դաշտ,

Գանձակ անվոր դյուղ կա, էնդեղ գնաց:

Գարուն է. նախրջի բդի բռնին,

Գեղ էդեք է էրգու բարի.⁴⁰

470 Մե բարը մե մարդու գուղե,

Մե բարը մի մարդու գուղե,

Բայց չըն համաձայնվի:

Գնաց, օր հարցրին.— Ի՞նչ մարդ իս:

Ըսավ.— էգեր իմ, նախրորդ կէղնիմ:

— Է՛լ,— ըսավ,— մըզի նախրորդ հարգավոր չէ,

էս տղեն կէնինք մըզի նախրորդ:

Ո՛չ ձեզնից է, ո՛չ էլ մեզնից է, խարիբ մարդ է,

Թը՛խ էղնի մըզի նախրորդ:

Բերեցին Դավիթին էրեցին նախրորդ:

480 Յեւավ յառավորդ, թողեց ուր մալ կէրթա:

Գարուն է, գարնան մալ, մալեր դաբուն է,

Կը տըլվին, գընգնին շամռոներ:

Յիրգուն, որի կովն է, հորթ, մալ՝ դընգնի շամռոն,

Գը վերու, կը բերե, տանե հանձնե տիրոջ:

— Վայ Դավիթ ջա՛ն,— կըսին,—

Քի՛չ աշխադիս, շա՛ղ ուղիս, դու յո՛ւրդից էգար:

Հարի դիկեն կըսեն, հարի խաբար գը բերեն,

Լձենք սել, կէրտենք, բերենք, արդեն կը սաղգեր.

էլ ո՛չ սելի ինք մենք մուխտաջ⁴¹ էղնի, ո՛չ էլ մալի:

490 Պայեց, մինչի լեզավ մայիս, լընցավ հունիսի մեջ:

Մալ արուն առեր է, մոզ կենը,

Ամեգ ուրին դիյով մի գը փախնի,

Յինք մենձ մարդ, էսդին գը վազնի, էնդին գը վազնի,

Քրդնի, հնար չէղնի:

էնտեխ էլ Քեռին տեսավ, օր Դավիթ չկա.

Իրեք-չորս ամիս լընցավ:

— Արմաղա՛ն,— ըսավ,—

⁴⁰ Մաս, խումբ:

⁴¹ Կարիք, ապավինում:

- Յեւրի՛, կոոր մի կարգըդան, թեւ, բան տուր,— ըսավ,—
 էրտամ, էդ ծուռ գղնիմ,— յո՛ւր է,
 500 Ըդոր վրեք-գլուխ,— ըսավ,— կարգըդնիմ, յիկամ:
 Յեւավ առավ թեւ, կարգդան, գիկա:

- էգավ էնտեխ, էգավ էդ գեղ:
 Ըսին, օր՝ հոս է նախըջի:
 Յեւավ գնաց, տեսավ, օր՝
 Մալ զարգեր է մեր Օմո գեղի պես մե դաշտըմ,
 էնդիուց գը փախնին՝ էն դեն զը վազնե,
 էնդիուն գը փախնին՝ էն դեն գը վազնե:
 Տեսավ օր չէղնի, մե կով մի շատ հոգին հանեց,
 Կգավ դեղնին, կգավ գեղին, օր քար վերուց,
 510 Տվեց կողքից, մեգել կողքից քար վզալով դուրս էգավ,
 Գնաց յընգավ:
 Քեռին տեսավ՝ գնաց յիջավ քարի վրեն:
 Աշեց, օր Քեռին էգեր է:
 — Քեռի՛,— ըսավ,— էդ ի՞նչ է կէնիս:
 — Աստվա՛ճ վերու քըզի,— ըսավ,—
 Մորթը՛, մարդու կով չը մըռդըլի:
 — Չէ՛, Քեռի ջան, էդ ի՞նչ է:
 — Տո՛,— ըսավ,— կեձգի քար է,
 Աստվա՛ճ արեւդի ըսպանե,
 520 Քըզի կէնիմ թուր,
 Օր քու թուր ապառաժ քարեր ճղը:
 — Վա՛յ,— ըսավ,— մեռնիմ Քեռու գլխուն,—
 Ու կովու գլուխ կըրեց:
 Կով մորթեց, կը տանե, ըս հաղ կանիծեն.
 — Դավի՛թ, շա՛ղ աշխադիս, քի՛չ ուղիս,
 Բիբադի մորթեցիր, բերեցիր:
 — Ա՛յ մարդ, էն ժամանագ, օր շամոնն, տլվեն,
 Զըն յիդե, դարուն, շուղվեր.
 Մգա, ասո՛ւն փառք, խլա՛վ⁴², շա՛ղ՝
 530 Միսն էլ կուղվի, եղ էլ ձըզի սարոն կէնիք,
 էլ ի՞նչ դուզիք ընձնե:
 Քեռին էր, բերեց ըդոր վրա-գլուխ կարեց, կարգըդնեց,
 Յեւավ, գնաց:

- Նախըջի է ուրին համար:
 էն մեգ օր նախիր թողեց գնաց,
 Տեսավ, օր սինոռի⁴³ գլուխ մե հինգ-վեց նախըջի կա.
 էգան, էղան յոթ դեղի նախըջի:
 — Ա՛յ մարդ, էս ի՞նչ է:
 Ըբը ըսին.— Այսինչ գեղ հոգու հաց է դրած,
 540 Խրգինք, էրթա, կոոր մի հոգու հաց բերին,

⁴² Գեր, պարարտ:

⁴³ Սահման (հողամասի):

Մենք էլ ուզինք:

էդան բերեցին որոշեցին Դավիթին, ըսին.

— Դու գնա՛, մենք քու նախիր կը պալինք:

Ըսավ.— Լա՛վ, իմ նախիր պայեք, ես կէրտամ:

Դնաց, Դնաց տուն, տեսավ, օր մե ջայել հարս մէ,

Մարդ չկա տուն:

— Քուրի՛դ ջան,— ըսավ,— ձեր տնեցիք յո՞ւր ին:

Ըսավ,— Գացած է ժամ, ախպե՛ր ջան:

Ըսավ.— Կդոր մի, ձեր էդ մըռլի խերուն,

550 Ձեր էդ հոգու հացից տվե՛ք,

Մենք էլ յոթ գեղի նախրջի,

Քոմեր ինք ձեր սինոռի գլուխ,

Տանինք, ուզինք,— ըսավ:

— Ախպե՛ր ջան,— ըսավ,— մանցի՛,

Հըրի ժամեն յելին յիգան,

Մընչի տերտեր չիգա, տիրացու՛

Մենք շենք իդա:

— Ա՛խր, հորի ես մնամ, նախրջի իմ,

Մալ կը գողնան, տանին:

560 — Չէ՛,— ըսավ,— ես շեմ իգա:

Յաճկ պղոգցուց, տեսավ, օր ճոպան ամբրի գլուխն է,

Ճոպան բերեց, ձեռ թալեց,

Բղիդ թընդրեն հանեց,

Ճոպան թալեց բղգին, շալգեց,

Փարխըջի⁴⁴ եղ առավ մեզ ձեռ,

Տաշտ գլխեց, դրեց գլուխ,

Տաշտ թնդրա վրեն դրուդ էր,

Դդընբր դարգեց խայիշն ու վերցուց,

Դաստեմ՝ էլ հաց զարդեց խոլթուդ⁴⁵.

570 — Աստվա՛ձ օղորմի,— ըսավ,— ձեր մեռելներուն,—

Ու գնաց:

Հարս վազավ ժամ, ըսավ.

— Արե՛ք, օր,— ըսավ,— նախրջին տարավ:

— Խեր ըդոց համար է, թըխ տանը՛:

Դավիթ թըխ գա էդտեղ, հոգու հաց, հարիսա տանելու,

Մենք խաբար տանք նախրջոցից:

Քառսուն հատ գողեր թալին նախրի վրեն,

Դավիթի նախրից քառասուն հատ անծին էրինջ ջոգին,

Առնին էրթան:

580 Օր տարավ դրեց, տեսավ, օր մարդ չիգա հաց ուղեւու:

— Ա՛յ մարդ, արե՛ք, կերե՛ք,

Թե յուշ իմ էգի, քիչ իմ բերի՛ ըսեք:

— Տո՛, ի՞նչ սե-մութ ուղեւ,— էն մեզ ըսավ,—

⁴⁴ Պղնձե փոքր կաթսա: ⁴⁵ Անութ, թեատակ:

- Դու օր գնացիր, գողեր էգան,— ըսավ,—
 Քու նախրից քառասուն հատ էրինջ ին տարած:
 Ըսավ.— Ի՞նչ էնիմ,— ըսավ,— դե՛, դուք իմ մալին մուղաթ կեցե՛ք:
 Բերեց մե գափոն⁴⁶ մի հաց փաթեց յիրար.
 Զարգեց եղի մեջ, էրեց բուռմա⁴⁷,
 Եղ թափավ գողերուն, ու ուգելեն գնաց:
 590 Գնաց, օր հեռեցավ ղաշտից, յընգավ խամ տեղ,
 Մալի արդեն դաֆա⁴⁸ էրեկաց,
 Մալի դաֆսի հետ գնաց, գնա՛ց,
 Տեսավ, օր, ա՛յ մարդ, եռեսունին էրինջ կա, կարձան,
 Ու ո՛չ շենք կա, ո՛չ բան կա:
 Գնաց տեսավ օր՝ մե մղարե մ՛ է,
 Մե էրինջ մորթած է,
 Քառսուն հոգի մղարի մեջն է:
 Բռնեց քառսունի գլուխ էլ կդրեց, թալեց դուրս:
 Մղավ մղարեն, տեսավ օր, ի՛նչ տեսնի՛
 600 Քառսուն տարի օր բերին, չը խլսի՛.
 Ըդոց քառսուն տարվա գողություն հող քոմուգ:
 Յեկավ էն մե էրինջ դրեց պղնձի մեջ, թողեց հող,
 Եռեսունին էրինջ էլ տվեց յառեջ,
 Քշեց էգավ, խառնեց նախրին,
 Բերեց ցերեգով՝ հո՛, հո՛, հո՛, քշեց բերեց էրեց գեղ
 — Արե՛ք,— ըսավ,— ձեր նախիր,
 Ձեր հե՛րն էլ անիծիմ, ձեր նախի՛րն էլ...—
 Ու թողեց գնաց:

Գնաց: Գնաց հասավ տուն:

- 610 Քեռին գացեր էր կորեգ գը ջրեր:
 Ցերեկվան էգավ տեսավ, օր Դավիթ պառգուգ է:
 — Հե՛յ գիդի,— ըսավ,— շոջ յօռ Դավիթ,
 Դու էրտաս էղնիս նախրջի՛,
 Քու հախ առնիս կորե՛գ,
 Բերիս, տանիս ջաղաց, աղա՛ս,
 Արմաղան մա՛ղը, շա՛ղը, թըխը՛,
 էս ձեռքով դնիմ էս բերան՝
 Զեմ հավաղա՛:
 Ցեկավ.— Քեռի՛,— ի՞նչ, ի՞նչ, ի՞նչ,
 620 — Գրո՛ղ տանե քըզի,— ըսավ,— ինչ...
 — Քեռի՛ ջան, ի՞նչ ըսիր:
 Մեգ էլ էդ խոսք շարունակեց.
 — Դու էրտաս, էղնիս նախրջի՛,
 Քու հախ առնիս կորե՛գ,
 Տանիս ջաղաչ աղա՛ս, բերի՛ս,
 Արմաղան մա՛ղը, շա՛ղը, թըխը՛,

⁴⁶ Կույտ:

⁴⁷ Մեծ բրդուձ: ⁴⁸ Հետք:

էս ձեռքով դնիմ էս բերան՝

Չեմ հավադա՛:

— Քեռի՛,— ըսավ,— մենք քանի՞ հոքի ինք տնեն:

630 Հսավ.— Աստվա՛ծ վերու քղի,

Քըզնով քառսուն ջան ինք:

Հսավ.— Ամեգուդի մեդ-մեգ ջվալ,

Մեդ-մեգ ջրիդ⁴⁹ գը պադրաստիք,

Հնձի էլ էրգու հադ ջվալ գը զարգիք յիրար, կարիք,

Արեւին օր պադավ, ընձի ձեն կիդաք:

Հըմալ տեխ 'մ իմ գդե օր, Քեռի՛,

Քառսուն տարի կրինք՝ չը խըլսի⁵⁰,—

Ու պառգավ քնավ:

Բերեցին, ինչ օր ըսեր էր, պաղրաստեցին,

640 էգավ արեւ պադավ, էգավ.

— Յելի՛, յելի՛,— ըսավ,— սուտխոսան, յելի՛,

Հսնանք⁵¹ յո՛ւր բդի տանիս մըզի, յելի՛:

Յելավ, յընգավ յառեջ ուրանց, էգավ:

էսդին, էնդին՝ Քեռին դադրեր է, գուզե դառնա,

Քեռու ձեռ խայիմ բռնեց,

Չէ՛, գաջելով էգավ, գդավ:

էգավ մզաբեն գդավ, բացին տեսան, օր հաստատ,

ինչպես օր կըսե՝ լիքն է:

Բերեցին ջորից, օսկուց լցեցին քառասուն էլ, ջալգեցին:

650 էրինջ դրուդ էր պղնձի մեջ,

Բերեց փեդ մի էցգեց էդ պղնձի կանթներ, ըսավ.

— Հա՛ցն ու գինին, Տե՛ր կենդանին,

Ես իմ քյաբըբցուն շեմ թողի հոս:

Առավ պղինձ էլ, էգավ:

էգան: էգան, յառավոդ՝ մեգ էղավ պադաշար,

Մեգ էղավ ծածկող, մեգ էղավ շամուռ էրող:

Հսավ.— Քա՛ր վըր քարին, սո՛ւն վըր սան,

էրեցին Սասուն:

էղավ Սասո՛ւն:

660 Ու ուրանք մանցին էդտեղ, աբրան:

Դավիթ կէրտա, նեճրություն կէնե:

Բայց Մարա Մելիքին ըդոց սայման Մովսսար կա.

Բադան⁵² քաշուգ է, մեջ ծառեր,

Ու ինչքան օր ջին-ջանավար կա՝

Հդոր մեջ կա:

Օր գիկա ամառ, ըդեղ գիկան սելրան էնելու:

Քեռին ըսավ.— Դավի՛թ,— ըսավ,—

Արեւելք, արեւմուդք, հաբաֆ կէրտաս,

49 Պարան, 50 Սպառվել, վերջանալ, 51 Տեսնանք— տեսնենք:

52 Պարիսպ:

Հուսիս չէրտաս:

- 670 — Յընչի՞, Քեռի՞,— ըսավ
 Ըսավ.— Հուսիս կողքշով բոլոջ կա,
 Հեռեկանց,— ըսավ,— մարդու գը կլու՞՞:
 — Է՛,— ըսավ,— Քեռի,— չը՛մ էրտա:
 Զիլավ, նեճրություն կէնեբ:
 Օր մի, բան չընգավ ձեռ, դառավ դերի հուսիս:
 Գնաց տեսավ, օր տղե մի
 Գմեշ կանգըցեր է ջրի վրեն, գը լվա:
 — Տղա՛,— ըսավ,— հեռո՛ւ գնա,
 էդ կողքով բոլոջ մգա ընձի գը կլու:
 680 — Իմկընի՛,— ըսավ,— Սասման ծո՛ւռ,
 Ես՝ էրեխա, ընձի չը կլու...
 — Գնա դե՛ն,— ըսավ,— Քեռին ըսեր է, ընձի գը կլու,
 Մգա գը զարդիմ:
 Տղեն օր տեսավ՝ հնար չէղնի,
 Զը կըրնա խոսք հասկըցու,
 Յօդ դրեց գըմշու կողքին, յելավ հեձավ:
 Մդաձեց. «Ա՛յ մարդ, էդ էրեխեն օր չը կլու,
 Ընձի յընչի՞ գը կլու»:
 էգավ ըսավ.— էս ի՞նչ է:
 690 — Իմկընի Սասման ծո՛ւռ, հըլը գնա՛ Մշու դաշտ,
 Տե՛ս,— ըսավ,— յոթ լուձ գըմեշ գը լձին,
 Գութան կէնին, վար կէնին:
 Ըբը ըսավ.— էս ի՞նչ է՝ էնդեղ կերեկա:
 — Հաստա՛տ օր,— ըսավ,— Սասման ծուռ իս,
 էդի,— ըսավ,— Մսրա Մելիքի Ծովասարն է:
 — Տո՛ իմա՛լ՝ Մսրա Մելիքի Ծովասար:
 — Ըբը, էդի Մսրա Մելիքի Ծովասարն է:
 — Տո՛,— ըսավ,— քու հե՛րն էլ անիձիմ,
 Մսրա Մելիքի՛ն էլ:
 700 էգեր է, իմ յախպին⁵⁴ էրեր է ուրին Ծովասար:
 Գնաց մղավ, մե դիուց քանդեց բադան,
 Մղավ տեսավ, օր ինչքան ջին ու ջանավար կա՝ կա մեջ:
 Ուր նեճիր էրեց, պադ մե դիուց քանդեց:
 — Դացե՛ք, իմ հոր խերուն,— ըսավ,—
 Զըղի համար աղադ ապրեք:
 Յելավ, էլի էդ քարեր դրեց յիրար վրա,
 Դրեց փիջին, էգավ:
 էգավ՝ յուշացավ:
 Քեռին տեսավ, օր Ծովասարու թարաֆեն⁵⁵ գիկա.
 710 — Տղա՛,— ըսավ,— էդ յուրդի՞ց է...
 — Քեռի՛,— ըսավ,— հըմալ տեխ մի ՛մ գդի,

53 Կուկ կտա:

54 Արտ, 55 Կողմ:

Օր քառսուն տարի կըրիմ,— ըսավ,— չը խըլըսի:
— Ա՛յ տղա,— ըսավ,— էդի Մսրա Մելիքի Մովսասարն է:
— Հը՛մ, Մսրա Մելիքի Մովսասար...

Մսրա Մելիքի հե՛րն իմ անիձի,
Իմ յախպին Մսրա Մելիքին լընչի՞ բդի էղնի Մովսասար:
էգավ, վերջ համողեց, թե.

— Ա՛յ տղա, գիկա, թակավոր է, մըզի գը կդրե:

Շադ օր խոսաց.

720 — Քեռի՛,— ըսավ,— էլ չեմ էրտա:
Քեռու միտքն էլ էն է, օր յառավոր էրտա,
էդ էրգու-իրեք քար դնե յիրար վրա,
Ու էդպես էլ լընցնի էրտա:
Օր քնան ըդոք, Դավիթ՝ օր Դավիթ իս,
Գողեգող յելավ, ուր շարնեք⁵⁶ գողցավ,
էցկաց յօղնեքն ու գնաց:
Գնաց քանդեց, մե դեն քանդեց, թափեց,
Ջանավարնեք փախան.

Քանդեց ծառներ բիրադի թափեց դուրս,

730 Ու բեռ 'մ էլ կորեգ էր ջալդի տարե հեգ,
Սկսեց կորեգ ցանել:
Քեռին յառավոր յելավ տեսավ՝ օր Դավիթ չկա:
— Յա՛, տո՛,— ըսավ,— էդ յո՛ւր է ծուռ.
Ըբը ըսավ.— Գացեր է Մովսասար:
Յելավ էգավ: էգավ տեսավ օր՝ քանդեր է,
Դավիթի ավեր է դառուցի,
Ցիստագ բադան-մադան քանդեր է:
— Տո՛,— ըսավ,— թըխ էրտան ըսին՝
Ընդոր թուր կդրե ըդ իմ ջեղ:

740 Սարքեց ուրին յարտ, կորեգ ցանեց:
Քեռին տեսավ, օր Դավիթի ավեր էրեր ը,
Դառան էգան:

Խաբար գնաց Մսրա Մելիքին, թե՛

Քու Մովսասար քանդած է, Դավիթն է:
— Է՛յ դիդի,— ըսավ,— ես էն վախտ ըսեցի,
Օր ըգրա ջինս⁵⁷ խա՛լք ը:
Յելավ մարդիկ խրգեց, ըսավ.
— Գնացե՛ք,— ըսավ,— տեսեք՝ ի՞նչ է էղի,
Ու մեր յոթ տարվա խարջն էլ,— ըսավ,— առե՛ք:

750 Դավիթի գլուխ, Մանուկի թեվ, Արմաղան՝
Կը բերիք մըզի:
Յելան էգան:

Ըդոց մարդիկն օր էգան, բդի գան խարջի,
Մե կնիգ մի էգեր էր ջրի.

56 Տրեխներ:

57 Ազն, ցեղ, տոհմ:

Տեսավ օր էգան, ըսավ.

— էդ յո՞ւր էգաք քըց շուն վազան,

էդ յո՞ւր կէրտաք քըց գել գազան:

Ըսավ.

— Ք...ոդ, ք...ոդ, ք...ոդ պարե՛ր,

760 Մդե՛ք տներ՝ էրե՛ք դիվան,

նստե՛ք դիվան՝ էրե՛ք շիվան.

Կէրտանք Սասուն առ ու թալան,

Ջղալ⁵⁸ հզներ բերինք լծան,

Կեռիգ կովեր բերինք կթան,

Կարչ կնգըտիք՝ յերգանք աղան,

Յերգեն կնգըտիք՝ ըռաշի⁵⁹ համար էրտան-յիգան:

Դավիթի գլուխ, Մանուկի աջ բազուգ, Արմաղան՝

Տանինք Մսրա Մելիքին՝ հոլ խաղան:

Ըսավ.

770 — ձըր պարուն, թը՛ տան, թը՛ տան:

Յեկան էդան:

էգան, Քեռի Թորոսին կանչեցին, բերեցին, ըսին.

— Մենք,— ըսավ,— էգեր ենք՝

Քառսուն տարվա խարչ բդի՛ տաք:

— Քեռի՛,— ըսավ,— ի՞նչ խարչ.

Ուրանք՝ Մսրը, մենք՝ Սասուն,

Ի՞նչ խարչ տանք ըդոց:

Քեռին ինչ էրեց-չէրեց՝ չէղավ:

էդ օր կերուխում յուղեցին:

780 Քեռին ըսավ.— Իդը խմցունք,

Բըլքեմսի⁶⁰ համոզինք, ճամպու դնինք, էրտա:

Կէրտանք էնտեխ ծառեր կը տնգինք,

Մե ստից բան մի կէնինք:

Բերեցին, էդ յոթ կանթնե պղինձն, օր բերեր էր մաղարից,

Լցեցին գինին, դրեցին մեջ, սկսեցին խմել:

— Քեռի՛,— ըսավ,— թուկ կիդա՞ս,— ըսավ,—

էս պղինձ դինին,— ըսավ,—

Իմ հոր հոգեհանգստության համար խմիմ:

Ըսավ.— Խմե՛, Դավիթ ջան:

790 Վերուց, դրեց բերնին, յիստագ էդ գինին խմեց.

Դավիթ հղավ շող-շողագան,

Սմբուկ-գդագան՝ յընգավ:

Ըդոք էգան: էգան, խարչ գուզին, շադ խոսացին,

Մեգ էլ յիմցավ. յիմցավ, յեկավ տեսավ.

— էս ի՞նչ բան է:

Մամ ըսավ թե.— էգած է՝ խարչ գուզին,

Աստվա՛ճ քու արեմ ըսպանե,

58 Մկանուտ, ջուտ, ամրակաղմ, 59 Զարդարանք, շնորհք:

60 Գռնե, գեթ,

- Գացիր Մովսսար լի բանդեցիր,
Մդա էգաձ է,— ըսավ,— խարշ գուզին։
- 800 Յեւով էգավ, էլ լաշեց.
Որին՝ յագոնն բաշեց, զարդեց ճագատ,
Որին՝ յաճկ հանեց,
Որին՝ յանդաշ կդրեց,
Տասերգուսն էլ յուզի-գողի, բելիսըզ⁶¹ էրեց։
Ըսավ.— Գնացե՛ք, ձեր թակավորին ըսեք՝
Թը՛ղ ընդրա թուր կդրե իմ ճեռ։
Յեւան գնացին։
Գնացին։ Որ ժամանագն օր գացին,
էդ կնիգն, օր ջրի էր գացի,
- 810 էլի պաղահավ.
— Հա՛, էդ յո՛ւր գացիրք քըց գել-գազան։
էդ յո՛ւր դառաք քըց շուն-վազան։
Ըսավ.
— Ք...ոդ, ք...ոդ, ք...ոդ պաբե՛ր,
Մդե՛ք տնեք՝ էրե՛ք դիվան,
Նստե՛ք դիվան՝ էրե՛ք շիվան։
Գացինք Սասուն առ ու թալան,
Գիցանք՝ Սասումա տեղ դուզ ու մեյդան,
Չգիցանք՝ Սասումա տեղ քար ու կապան,
- 820 Մեջ մարդ կա, դը զարդե, բրինձ⁶² գը բանա՝ խաշ-պաղուհան։
Դավիթի ճ.. ու պ.. գարնան հեղդին,
Գան, ձըղի յերգանք աղան։
— Դե՛,— ըսավ,— ձըր պարուն, իմալ օր տեսաք,
Գացե՛ք, ձըր թակավորին հըմալ էլ պաղմեք։
Յեւան գնացին։

Գացին հասան Մսրր։

Թակավոր տեսավ օր՝ բիրադի յուղի...

Պաղմեց, ըսավ.

— Դավիթն,— ըսավ,— մեզի էս օրին քցեց...

- 830 Ըսավ.— Ես է՛ն օր գինեք,
Օր Դավիթ մեր գլուխ էս գը հաներ։
Ըսավ.
— Թղթի՛դ մի գրիմ արնես-մսես՝ խրգիմ հարաֆային,
Թղթի՛դ մի գրիմ արնես-մսես՝ խրգիմ հուպիսային,
Թղթի՛դ մի գրիմ արնես-մսես՝ խրգիմ արեվելյան,
Թղթի՛դ մի գրիմ արնես-մսես՝ խրգիմ արեվմդյան,
Թող դա՛ն իմ Բագլի բեգե՛ր,
 հաշ պարոննե՛ր,
 Սագոթի⁶³ գլխե՛ր,
840 Թիյագ լեզվե՛ք,

⁶¹ Երեսն ու աչքը անճանաչելի դարձրած, արևանդակված։

⁶² Վերք։ ⁶³ Սակառ—մեծ քթոց, կողով։

Բայ յագոնե՛ք՝
Սաֆա՛ր⁶⁴ է վըր գյավուրին օր՝ սաֆա՛ր է:
Մսրա Մեկիք կազմեց զորք,
Ու էլ հողին, թփին հաշիվ կա՝
Ըդոր զորքին չկա,
Հավաքեցին ու էգան.
Դհուլ-զուռնեն էցկեցին յառեջ,
Զարգելով էգան Սասուն:

էգավ: Խաբար տարան Քեռի Թորոսին, թե՛
850 — Մսրա Մեկիք՝ քար ու փեզ, հող դառեր է զորք, էգավ:
— Է՛,— ըսավ,— ի՞նչ էնինք:
Բերեցին էլի խմցուցին Դավիթին,
էրեցին շող-շողազան,
Սմբուլ-գդազան, քյալին պաղուցին,
Ուրանք յեւան եռեսունին հոգով
Ուրանց տըմբլիգ⁶⁵ ծածեցին,
Գացին ուրանց շադըր զարդեցին,
Զորքի դեմ կայնան:

Արմաղան նստավ լաց:
860 Լաց, արցունք թափավ Դավիթի յերեսին,
Ցիմցավ, յեւավ.
— Մարե՛,— ըսավ,— յորի՞ դիւսս, յորի՞...
Ըսավ.— Աստվա՛ծ վերու քըզի, յօրի գիւամ՝
Ընդոր Մովսսար քանդեցիր,
Բիրագի յուզի-գյուզի բելլիսըզ էրիր, խրգեցիր,
Առած ը հաքին զորքով, էգած ը:
Մգա էն հալիվորուն հոն կըսպանին,
Գիկան հոս էլ՝ իմ գլուխ ու քում կդբին:

— Մարե՛, ըբը ի՞նչ էնինք:
870 — Ես ի՞նչ գինամ՝ ինչ էնիս:
— Մարե՛, ըսավ,— յելի՛, սաջ դի՛ր,
Բիր փուղ մի աղանձ էրե՛,
Տո՛ւ, ես ուդիմ՝ բըլքի մեռնիմ:
Ցեւավ բերեց սաջ, դրեց կրադ, գնաց ձավրի:
— Մարե՛,— ըսավ,— ես ըդրնե իրեք փուղ էլ ուդիմ՝
Զըմ մեռնի:
— Ըբը ի՞նչ, տղա՛:
— Ինա նուգանոց⁶⁶ քարեր բի՛ր, թա՛լ մեջ, թըզ կարմրի,
Ես իմ բերան կը բանամ, դու թա՛լ իմ բերան:
880 Կնիգ էր՝ համոզվավ:
Բերեց էրգու հադ քար, թալեց սաջի մեջ, կարմրավ.
— Դե՛, արի,— ըսավ,— ի՞նչ էնիմ:

⁶⁴ Արշավանք: ⁶⁵ Փոքրիկ թմբուկ: ⁶⁶ Նուգի—ծանրության չափ=320 գրմ.-ից 1282 գրմ.:

էգալ ըսաւ.

— Ես իմ բերան կը բանամ, դու վերո՛ւ, թա՛ւ:

— Ինչո՞ւ վերու:

Ըսաւ.— Շորո՞ւ, ինչո՞ւ:

էն օր շոր վերուց,

Բռնեց մամու ձեռներ, քամեց քարի վրեն.

— Մարե՛, — ըսաւ, — իմ հոր ի՞նչ կա:

890 — Աստվա՛ծ վերու քրզի, — ըսաւ, — թո՛ր, ըսիմ:

Թողեց: Ըսաւ.—

— Քու հոր կա ձի մի,

Գուրգ, գլխու թաս, զըրխ, թուր:

Ըսաւ.— Յո՞ւր է:

Տարան ցույց տվեցին:

Գնաց տեսաւ օր՝ Քուռգի Զալադ,

Քաշեց, լաւ մի յելաւ թիմրեց,

Բերեց զըրխն ու թուրըն, հակաւ զըրխըն՝

Ինչ օր մուգ պաղի կարաս:

900 — Մարե՛, — ըսաւ, — բամբազ բե՛ր:

Բերեց Մարենը բամբազ,

Զըրխի մեջ, թասի մեջ լցեց, հարմարցուց, յելաւ.

— Մարե՛, — ըսաւ, — իմ հոր ձիուն ի՞նչ շնորք կա:

— Լաո՛, — ըսաւ, — քու հոր ձիու մարիֆաթ՝

Օր համբախ չը գիցար, թողիս դիզգին⁶⁷ ուր ըզին,

Յինք կէրտա:

Ո՛ր կողմն օր գնաց, դիզգին բդի չը դառու:

Հեծաւ ձին ու կանչեց ուր աստված, գնաց:

Գնաց, չը գինա՝ յուր կէրտա:

910 Ձի յո՞ւր է տեսի,

Թոփալ անջա՛խ կըռներ քելեր,

Քուռգի Զալադի պես ձի է հեծի:

Ձին թողեց ուրին, ձին գնաց:

Գնաց, յիջաւ, տեսաւ օր՝ մե բանցը՛ր տեխ մէ:

Աշեց, օր մոմ, բան է վառած.

— Բանձըր Մարաթուխ Աստվածաձի՛ն, — ըսաւ, — մեռնի՛մ քրզի:

Յիջաւ էդտեխ, աղոթք էրեց, ու քուն տարաւ,

Քնաւ: Քնաւ, մեզ էլ էրած տեսաւ.

«Դաւիթ, — ըսաւ, — յելի՛,

920 Քու յուխտըդ ընդունելի էղաւ, — ըսաւ, — յելի՛,

Սուրբ նշան գլխուդ տագն է,

Համբուրե՛, դի՛ ծոցդ,

Հեծի՛ Քուռգի Զալադ, յիջի ձոր՝ դուշմընի մեջ.

Քու թուրը դուշմընին կը ջարդե,

Ու դուշմընի թուրը քրզի գիր չէնեա:

⁶⁷ Սանձ:

Յելավ տեսավ օր՝ լցվեր է,
 էդ է, գլուխն էլ տրաքի, սխմեր է զըրի ջան,
 Քանդեց հանեց բամբազ, բիրադի թափեց:
 — Մեռնի՛մ քըզի,— ըսավ,— Բանձըր Թուխ Աստվածածի՛ն,
 930 Իդաք լե քըզի,— ըսավ,— Տրագի պադրուբ:
 Յելավ հեծավ ձին, գնաց:

Գնաց, տեսավ օր՝ ի՛նչ տեսնի.
 Քեռին մե դոշի հեղ զարդեր է ուր եռեսունին շաղըրն,
 Ու էնդենն էլ զորքին հա՛դ ու հաշիվ չկա,
 Լցված է...
 «Ի՞նչ էնիմ, էրտամ դերի Քեռի Թորո՞ս,
 Բդի ըդոք ըսին՝
 էնդոք ի՞նչ էրեցին, դու ինչ բդի էնիս.
 է՛, թե էրտամ դերի Մսրա Մելի՛ք.
 940 Քեռին բդի ըսե՛՜
 Վախեցավ, շադի կողմ գնաց:—
 Ըսավ.— Թողիմ ձիու ումուդին, յո՛ւր գնաց՝ գնացա:
 Թողեց ձիու ումուդին,
 Ձին քշե՛ց գնաց ըդոց թարաֆ:
 — է՛յ,— ըսավ,— յո՛ւր է Մսրա Մելիքի շաղըր:
 — Իմկընի Սասման ծո՛ւռ,— ըսավ,— չե՞ս տեսնի,
 էն, օր, է՛, խնձոր շադրի ճոթին կա:
 Քշեց գնաց.— Բա՛րե ձեզ:
 — Բա՛րե,
 Ըսավ.— Սաֆա՛ր է:
 — Եթե սաֆար է,— ըսավ,— ընձի մոդ շաղըր տո՛ւր,
 Իմ ձիուն՝ ե՛մ⁶⁸, ընձի էլ՝ կերագո՛ւր:
 Դառավ ըսավ.— Հա՛ցն ու գինին, Տե՛ր կենդանին,
 Մեր տան մարդ իրեք դիր⁶⁹ բդի վորձե ուր դուշմընին:
 Մեզ էլ դարձավ.— Մելի՛ք աղա՛, — ըսավ,—
 Յեզուց մայա՛մ-մայա՛մ⁷⁰ գթավուրի վրեն սաֆա՛ր է:
 Ըսավ.— Սաֆա՛ր է:
 — Ընձի մոդ շաղըր,
 950 Իմ ձիուն՝ ե՛մ, ընձի՛ կերագո՛ւր:
 Մեզ էլ դառավ.— Մելիք աղա՛, — ըսավ,—
 Յեզուց մայա՛մ-մայա՛մ սաֆա՛ր է:
 Ըսավ.— Սաֆա՛ր է:
 — Դե՛, ընձի մոդ շաղըր տո՛ւր,
 Իմ ձիուն՝ ե՛մ, ընձի էլ՝ կերագո՛ւր:
 Բերին շաղըր տվեցին, գնաց պառգավ:

Աղոթրան չըր բացվեր է, յելավ:
 Յելավ բոռաց.

68 Կեր, ուտելիք: 69 Անգամ. 70 Շտապ-շտապ:

- Ով քուն է՝ զարթեցե՛ք,
960 Ով զարթուն է՝ ձիան թամբեցե՛ք,
Չավրի՛ք անուն կտրըճի:
Իրեք դիր բոռաց ու յելավ հեձավ ձին,
Յելավ հեձավ ձին,
Քեռի Թորոս էնդիուց ուր տըմբլիզ տփեց ու լընգավ մեջ:
Սկսավ շարտել:
Ըսավ.— Քուռգի՛գ, դու վազա՛, Քուռգի՛գ,
Թրի՛կ, դու կդրե՛, թրի՛կ:
Աջու կը ծորե, ձախու կը ծորթըփե,
Ծորդուխ դէլնեք
970 Քառասունուհինգ մանուգ օնպա գը կանգըցեր,
Արնե հեղեղ գէլնեք, նուգանոց քարեր կը գլորեր:
Իրեք անգամ էսդիուց գնաց, էնգին էգավ,
էգան, ինք ու քեռի Թորոս առան յիրար:
Ջարդին, էգան հասան յիրար,
էգան հասան յիրար, չը ճանչըցան յիրար.
— Հա՛, — ըսավ, — տղա՛, քու դո՞րն է՞, թե՛ իմ դո՞ր:
— Չէ՛, ըսավ, — Հա՛ցն ու գինին, Տե՛ր կենդանին,
Մեր տան մարդ ուր դոր մարդու չը տվեր է:
— Դե՛ լավ, — ըսավ:
980 Գուրզ թալեց: Գուրզ օր թալեց,
Քեռին բոշաթմիշ⁷² էրեց, ուրին թալեց ձիու տագ:
Գուրզը շան պես օռնաց,
Գութնի պես պոռթեց, գնաց:
Թռավ յելավ Քեռին.
— Հա՛ն, տղա՛, — ըսավ, — իմ դո՞րն է:
— Քցի՛ր, — ըսավ:
Ջարդեց: Օր զարդեց, այար⁷³ բոշաթմիշ էրեց՝ չը կըռցալէ:
Յօռու թշից մե կողմե զարդեց, պաղռեց, առավ գնաց:
— Հա՛, տղա՛, — ըսավ, — իմ թուր քարեր կը ծագեր,
990 Քըզի բան չէրե՞ց:
Քու հերա-հերանին ըսե՛,
Քու մերա-մերանին ըսե՛:
Իմ թուր աբառաժ քարեր կը ծագեր,
Քըզի գիր չէրե՞ց...
Ըսավ.— Իմ հերա-հերանին Թորո՞սն է,
Իմ մերա-մերանին էլ Արմաղա՞ն է:
— Վա՛յ, — ըսավ, — Դավի՛թ շան, դու ի՞նչ:
— Քեռի՛, դու ի՞նչ:
— Հա՛:
1000 Յիջան: Ըսավ.
— Ի՞նչ է էդի, — ըսավ, — խո բան չի՞ էդի:

71 Հերթ: 72 Բաց թողնել, ազատվել:

73 Թամբ:

— Չէ՛,— ըսավ,— ինչ օր լու մի խածեր:
 Յիշան տեսան օր՝ ի՞նչ լու, պողթի գացեր է...
 Ինչքան օր փալան ու ձիու փթիր կար՝ լցեցին,
 Հաղիվ կռցան լցին, կարեցին:
 Էդտեխից էլ վերցրեցին ինչքան ավար բերեցին Սասուն՝
 էն էլ ուրանք գինան:

Դավիթ սրձավ:
 Երբն համար կէրտեր. կը պղըդեր ձիով:

(Շարունակելի)